

MONSPELIENSI FACULTATI LUDOVICÆ.

*Prima debemus Patriæ, ait Seneca. Atqui vera ac genuina Medici
Patria est ea Schola in quâ à doctissimis ac perpetuâ colendis gratitudine
Professoribus Scientiam excepit lauricam, fuitque Medicinæ formatus.
Itaque*

Quæ benefecisti mihi servo recondita mente,
Accipe quas fundo pleno de pectore grates.

13^e nov. 1789

Humillimus & obsequentissimus servus ac exul
discipulus Honoratus VRIGNAUD,
Bacc. Med. Parisiensis.

C 34

MONASTERII
FACULTATI LUDOVICÆ

Avia Pieridum peragro loca nullius ante

Trita solo. Juvat integros accedere fœntes

Atque haurire. Juvât novos decerpere flores,

Unde prius nulli velarent tempora Musæ.

LUCRET. de rerum naturâ.

Humilissimus & obsequiosissimus servus ac ex
discipulus Honoratus VIGNAUD,
Bacc. Med. Parisiensis.



DEO OPTIMO MAX.

UNI ET TRINO,

VIRGINI DEI-PARÆ, ET S. LUCE,

Orthodoxorum Medicorum Patrono.

QUÆSTIO MEDICA,

QUODLIBETARIIS DISPUTATIONIBUS

*manè discutienda in Scholis Medicorum, die Martis decimâ-tertiâ
mensis Ianuarii, anno Domini M. DCC. LXXXIX.*

M^o. ANTONIO BOTTMAN, Doctore Medico, Præside.

*An ex Anatomia possit demonstrari usus Vasorum lymphaticorum & Glandularum
conglobatarum?*

I.

GLANDULARUM conglobatarum, per totum corpus diffusarum, ac in
unicum systema vasu coadunatarum lymphaticis, maximum subesse momentum in

A 2

œconomiâ animali, nullus sanè dubitabit, qui consideraverit quam generaliter animantia istis gaudeant organis. De illorum autem usu ex inventione ad hanc usque ætatem vix solliciti fuerunt Medici.

Pro corculis promovendo lymphæ circuitui dicatis glandulas habuit Malpighius conglobatas, quæ potius istius motui moras necere viderentur ex divisionibus iteratis quas subeunt has permeantia vasa lymphatica. In illis glandulis spiritum allabenti lymphæ misceri attenuantem & vivificum dixerunt gratiò alii. Propius verum accesserunt qui dixerunt lympham humoris miscelâ glandulosi dilui ac fieri fluxiliorem. Sed quâ ratione tacuerunt ignari?

Vasis lymphaticis ab intestinorum caveis, ex textûs cellulis, à cutaneâ corporis peripheriâ, fluida reorberi ac versus cor revehi viderunt apprimè Hallerius, Monrous, Hunterus, Cruishant, &c. sed glandularum utilitati conglobatarum vix aliquantulum attendere.

In eo aberrasse huc usque mihi videntur Auctores quod de glandulis conglobatis aut vasis lymphaticis seorsum spectatis spectatis unicè solliciti, non animadvertierint vascula lymphatica, glandulasque conglobatas in unicum systema organicum per totum corpus diffusum coadunari.

Aliam infecutus ratiocinandi methodum, ut totius systematis lymphaticoglandulosi genuinum agnoscerem usum, meam hæc de re sententiam Opusculo proposui Physiologico (1); in quo glandularum conglobatarum vasorumque lymphaticorum usus tam invictè, ni fallor, ac evidenter demonstratur quam sanguinis circuitus. Cum verò difficilior juniore Medico præbeatur assensus, imò & quandòque vix aliqua concedatur attentio; meum systema vernali idiomate propositum à plerisque forsitan ignoratur Medicinæ Professoribus celebrium solas docere virorum doctrinas superbis, dedignantibusque ignotorum ideas juniorum, nondum ab obscuritate emerforum erectorumque ab extremis humillimisque hominibus Medici limitibus.

Nunc verò cum judicium maturaverit plurium annorum studium ac quietioris

(1) *Nouvelles Recherches sur l'Economie animale*. p. 220 & suiv. A Paris, chez Didot, Gaillèau, Méquignon & Croullebois.

ætatis virilis meditationes juvenilis conceptibus imaginationis arriperint; occasionem nactus novam rursus evulgandæ meæ opinionis idiomate toti genti Medicæ per Enropam sparsæ communi, meas publicæ disputationi lubens subijcio ideas, eâ sanè spe non delusus, ut quas probavit venerandæ semper mihi memoriæ Præceptor celeberrimus D. Delamure, Professorum Medicinæ Monspelienſium olim Decanus, eæ displicendæ non sint sapientissimis huiusce Lycæi Magistris. Sic enim ex opinionum amœno conflictu in doctissimâ Scholâ nova lux affulget in quæstionem inter Physiologicos maximè spectandam. Perbreviter itaque ex more Scholarum, meas exponam rationes.

I I.

PER totum corpus à capite ad genua, à cubito dextro ad sinistram, juxta vasorum directionem sanguineorum sparsas glandulas jamdudum agnoverunt Anatomiistæ conglobatas; suspicantes has etiam inesse in ultimis corporum extremitatibus ac intrâ cerebrum, ubi nondum satis dilucidè fuerunt recognitæ. In unicum systēma organicum videntur vasculis coadunari lymphaticis, quæ ex membris remotissimis, ex extremâ cutis peripheriâ, ex viscerum caveis, ex totius corporis cellulari compage nata, per hæc directâ glandulas, intrâ cellulosa istarum substantiam varias sæpiùs subeunt divisiones atque subdivisiones, & dein in pauciores ampliorefque coalescunt truncos egressura; in majores ac majores colliguntur sensim ab extremis ad cor exposita, vasculis parallela sanguineis, usque quò tandem in unicum canalem thoracicum, cisternæ chylisæ progeniem venæque subclaviæ humoris præterlabentis tributum avehentem consluxerint. Hic & illic ubique numerosis inter se connexa retibus vasculosis.

Lacteο succo intrâ suas cellulas acervato ex irrigantibus sane secreto arterioliſ numerosissimis glandulæ turgescunt conglobatæ maximè in puello nondum in lucem edito, & eò magis quò ab ortu propior, eò minùs contrâ quò magis ad orcum properat heu! maturior homo, itâ ut præ tenuitate dispareant in extremâ confecto senectute.

Eductus sic à præcipuâ humorum fabricâ (vasculis scilicet sanguineis) intrâ glandulas parùm vegetas, naturam suam acidam ac cruditatem servat diuissimè humor iste chilosus, tenuis, aquosus, istius puerperarum Coloſtri haud absi-

malis, allabenti per lymphatica vasa lymphæ renovandæ per quam aptissimus acervatusque pro penuriæ temporibus.

III.

EFFORMATA scilicet ac perfecta intrâ systematis sanguiferi officinam lymphæ, in intinum partium exsudat textum, fibrillas inuncturâ refectionis ac consumptionis vitali singulas, sicque subducitur nimis animalisationis, imò & corruptionis imminenti periculo ex diutiori morâ intrâ sanguinem vividissimum coctionis animalis fornacem. Ipsomet tamen vitæ progressu sensim alteratur lymphæ partium refectioni superflua, per illarum textus agitata, calefactionis pronissima, ac degenerationi calcareæ per dissipationem fluidi, oleosique consumptionem principii. Degenerationi istius alcalino-putridæ moras nescit provida natura per admixti intertritique adipis cellulosi rancorem loci calore exaltatum, sicque indolem reficit conservat lymphæ oleosam. Bibulis intrâ textum cellularem vasorum lymphaticorum oculis educit, intrâ glandulis conglobatas succo lacteo vero chilo renovandam; illiusque permixtione reducendam ad constitutionem minus animale ed securius quod in eosdem præcipuos lymphaticorum truncos ac cætera lymphatica confluunt chilifera, altera lymphaticorum series chilum post passum ac per absentiam chilis lympham ad cor revehentium.

IV.

PRÆTEREA ex omnibus corporis partibus in commune receptaculum peccuetianum aut canalem thoracicum confluentes succi lymphatici, vicissim inter se permixti, peculiarem exuunt omnes constitutionem quâ speciali illius istiusve partis (osium, v. g. capillorum, musculorum, &c.) Specificâ assimilationis coctione nutritionis fuerant adaptati, communem induunt lymphaticam qualem ferè habebant, dum è sanguine fuerunt elicit; adeoque isti redeunt gratiores, quam si tot tamque diversi ac heterogenei inundavissent. Tunc enim illius discrasiam nimium alterantes, humoris instar secretorii ablegati fuissent ac infelicitè deperditi.

Redeunt è contrâ, postquam generali miscelâ ad communem reduci fuerunt naturam, postquam adiposi rancoris unione indolem oleosam partim re supererunt, postquam lacteo glandularum conglobatarum succo, affluentique

ex intestinis chilo fuerunt renovati, istâ mixtione quodam modo recrudescentes, minis animales, jam possunt in vasis sanguiferis novam impunè sine ullo destructionis periculo pati coctionem, quâ agent imò ut rursus ad statum à quo recrudescentiâ suâ dicefferunt, reducantur lymphaticum, fiantque iterum variis corporis partibus alibiles.

V.

SIC alterno isto ex vasis sanguiferis intrâ textum cellularem & ex textu per vasa lymphatica glandulasque conglobatas ad cor circuitu perennant diutius alendæ vitæ habiles succi nutritii, intrâ vasa sanguinea cocti, in textum partium diffusi ad nutritionem, resorpti vasculis lymphaticis ac recrudescentes, dum istis per glandulas evehuntur conglobatas, succis nondum animalisatis intertriti per longissimos vasorum lymphaticorum meandros. Antagonismum ergò quemdam ergà sanguiferum systema humorum animalisationi indefinenter allaborans exercet organicum vasorum lymphaticorum & glandularum conglobatarum syрма, humorum invigilans recrudescentiæ, & nimix animalisationi eò felicitus contranitens quò vegetius æquipollet.

V I.

RENOVANDIS impensum succis lymphaticis ad cor per lymphatica reducibus lacteum humorem glandularum conglobatarum novo post pastum affluo suppleri probatur experimento quod ex inciso canis lactantis ad hucdum, sed diutino jejunio exsuccii, thymo (glandulâ de genere conglobatarum,) nihil effluat primùm. Sed si postea lacteum præbeatur animali pabulum, brevi à pastus tempore vulnere thymi lac exstillat.

V I I.

MEE Thesi nova suppeditat argumenta parallelismus quem affectant ubique vasa lymphatica cum sanguiferis. Etenim cautela quâ sagax ac provida natura lympham è remotis per peculiaria hæcce vascula lymphatica reducit in subclaviâ lævam, vitatque vicinioribus committere venis, subindicat sanè rationem inesse vitandæ istius miscelæ in cæteris ramis venosis. Nonne cura quâ illi lymphæ ad sanguinem per longissimos lymphaticorum vasorum tramites redeunti crudos remiscet succos, demonstrat scopum isti conciliandæ cu-

jusdam recrudescentiæ, priusquam novæ per sanguiferum systema cœctioni subiciatur?

Nostræ opinioni novas probationes superadderent agnita huc usque in æconomia animalis glandularum per vitæ decursum phenomena. Quare vegetius v. g. primis ætatis temporibus cum ætate decreseat ac penè obliteratur glandularum conglobatarum systema? Quare cum pubertate in puellis amabiliter mammæ fororiantur? quare dein intumescunt per graviditatem, ac post partum? quare tunc à repressâ excretionē aut impedito per lochia alias secretionē effluxu lac versùs glandulas regurgitat conglobatas, nativæ succi lactei cola, acerbissimaque causat puerperis apostemata? Sed singulorum istorum explicatio phenomenorum Theſim ultrà limites scholæ academicos augeret. Solutionis itaque cupidos ad meum remitto opusculum, & propero ad finem concludens:

Ergò ex Anatomia potest demonstrari usus glandularum conglobatarum & vasorum lymphaticorum.

Vive, vale. Si quid novissi rectius illis,
Candidus imperti. Si non, his utere necum.

DOMINI DOCTORES DISPUTATURI.

M. Joann. Nicol. CORYSART-
DESMARETS, Physiol. & Pa-
thol. ann. 1786-88 Professor,
Anatomus & Chir. cunctis ab
Illust. M. A. Petit funditi
Professor alter, utriusque Phar-
maciæ Professor designatus in
ann. 1789-90.

M. Jacobus DE WENZEL

M. Petrus LASENYOLLE, Chir.
lat. id. Professor.

M. Paulus Augustinus-Olivarius
MAHON DE HOUSSAY,
Chirurgiæ gallico idiom. Pro-
fessor.

M. Stephanus CROCHET, Chir.
gall. idiom. ann. 1785-86 Pro-
fessor.

M. Jacob. Ludov. ALLEAUME,
Artis Obstetriciæ ann. 1755-
57, Chirurg. lat. idiom. annis
1761-62, Rei Herbariæ 1772-
73 Professor, Salub. Facult.
Decanus an. 1774-76.

M. Claudius Francisc. GRAND-
CLAS, Artis Obstetriciæ annis
1757-59, Chirurgiæ lat. idio-
mate ann. 1766-67 Professor.
M. Ludov. Alex. GERVASE,
Chir. gal. id. an. 1756-57, Chir.
lat. id. an. 1759-60 Professor,
Bibliothecarius an. 1766-68.

Proponebat Parisiis, HONORATUS VRIGNAULD, Nannetensis
apud Armoricos, Doctor Medicus Monspelienſis, necnon Saluberrimæ
Facultatis Medicinæ Parisiensis Baccalaureus, Theſeos Auctor.

A. R. S. H. 1789. AB OCTAVA AD MERIDIEM.

Typis QUILLAU, Universitatis & Facultatis Medicinæ Typographi. 1789.